


Chicken Nuggets qua – plats vids là?

Tge ha da far cun tge? Metta las fotografias en ils lieus che correspundan cun ils texts en la spirala!



((1. Chicken Nugget))

Blers giuvens han gugent Chicken Nuggets. Quels vegnan fatgs cun charn da pulasters. Chicken Nuggets datti en quasi mintga fastfood-restaurant u er sco product schelentà.

((2. Fastfood-restaurant))

Sch'ins metess in sper l'auter tut ils pulasters che be la firma da Kentucky Fried Chicken venda en in onn en il mund entir, dess quai ina lingia da 442 720 km. Quai corresponda ad indesch giadas enturn la terra.

((3. Pulasters schelentads))

Durant in onn mangia mintga abitant svizzer en media 11,3 kg charn da pulasters. En sia vita mangia mintga persuna en Svizra en media 945 pulasters. La mesadad da quellas deriva da l'ester.

((4. Meztga))

Las pli bleras giaglinas vegnan mazzadas en grondas chasas da maz. Las meglras parts restan en Svizra. Las autras parts vegnan tramessas en l'Africa e vendidas là bunmartgadain. La consequenza: Ils manaschis africans na pon betg pli vender lur pulasters, perquai ch'els èn bler pli chars en conglual cun ils pulasters europeans.

((5. Stallas per engraschar giaglinas))

Las pli bleras giaglinas vegnan engraschadas en grondas hallas. Ina giaglina engraschada viva en media diesch emnas.

((6. Soja))

Per che las giaglinas creschan svelt, survegnan ellas pavel concentrà. Normalmain è quai soja. Sch'ins duvrass il graun che las giaglinas maglian directamain sco nutriment per ils umans, pudessan vegnir nutrì cun quai dudesch giadas dapli umans che cun la charn dals pulasters.

((7. Monoculturas da soja))

Soja vegn principalmain da l'America dal Sid, surtut da la Brasilia. Là vegn quel cultivà sin gronds areals da terrain agricul. La surfatscha che vegn duvrada a l'ester per pavel d'animals en Svizra, è gist tant

gronda che l'entira surfatscha da terrain agricul en Svizra sezza. Noss animals consumeschan damai praticamain ina segunda Svizra a l'ester.

((8. Als purs pitschens vegn engulà il terren ed els vegnan chatschads d'event))

Il grond producents engolan savens il terren dals purs pitschens. Il bles purs pitschens na san lura far nagut auter che dar si lur manaschi. Savens han els da bandunar lur agen terren.

((9. Destrucziun dal guaud tropic))

Per producir soja sco pavel d'animals vegnan runcadas surfatschas immensas da guaud tropic. Mintg'onn svanescha en la Brasilia ina surfatscha da guaud tropic ch'è pli gronda che trais quarts da la Svizra.

((10. Midament dal clima))

La destrucziun dal guaud tropic accelarescha il midament dal clima. La temperatura sin la terra munta.

((11. Setgira))

Tras il midament dal clima s'augmentan las catastrofas da l'aura. Tras setgira sa furman novs deserts. En auters lieus destrueschan ciclons u pluvidas la basa da vita per ils umans.

((12. fom / plats vids))

En l'entir mund pateschan bunamain ina milliarda umans fom. Sche tut il graun vegniss mangià d'umans e betg utilisà sco pavel d'animals, pudess vegnir nutrì gist il dubel dals umans che vivan oz sin la terra.